

處州府志卷之八

處州府知府元和潘紹詒重修



祠祀志

明有禮樂幽有鬼神故治道先成民而後致力於神
未有慢神而能治民者是故和風甘雨民所望也山
陵川谷民所取材用也社祀五土稷祀五穀民所以
厚其生也崇德報功徧於羣祀其有不在祀典而民
間崇奉久历年所則有舉莫廢亦附列焉承其事者
尚其凜鑒觀之赫而敷神惠求民瘼哉志祠祀

麗水縣

處州府志

卷之八

祠祀

一

先農壇 在巖泉門外

國朝雍正五年知縣郭朝端奉文建并置藉田四畝九

分咸豐八年匪燬同治五年知府清安請帑建復

社稷壇 在通惠門外麗水附府省

風雲雷雨山川壇 在南明門外溪南里許

厲壇 在北郊二里

先師廟

名宦祠

鄉賢祠 俱詳學校

忠義祠

節考祠

國朝雍正五年知縣郭朝端奉文建並詳學校始在行
春門內溪頭莊後壞於水乾隆中縣人錢元炆改建
今地

關帝廟 在圭山明萬曆四十二年建

國朝雍正六年知府姚鈴更新之查法喜廢寺田七十
三畝給住僧供香火修葺咸豐十一年燬於寇同治

六年知府清安請帑重建案關帝文昌諸廟鄉里多
有之今惟著有司致祭之
所餘不
備及

文昌廟 在圭山明萬曆二十二年知府任可容通判

處州府志

卷之八

祠祀

二

文似韓建

國朝乾隆間別建於府學東南規模宏敞春秋祀事率
集於此咸豐十一年經兵燹鞠為茂草同治七年知
府清安重建嗣形家言向在圭山者文運攸關十二
年知府潘紹詒即於圭山舊址籌款建復是年縉雲
有登魁選者踰年捷南宮

純陽廟 在法海寺前

國朝嘉慶十一年奉文建始在圭山之西十七年徙今
地同治六年知府清安重建

天后宮 一在縣治南

國朝乾隆十八年奉文建春秋致祭一在縣西四十里
碧湖經兵燹傾圮同治十一年縣丞董任穀率董林
萃英沈毓彥闕賡颺賡華集貲重脩一在縣南五
十五里大港頭

府城隍廟 城東南圍山下邑廟左舊在分守道東明
嘉靖三十六年知府高超改建今址屢有修葺咸豐
十一年匪燬同治八年知府清安籌捐議建甫興工
以憂去九年署知府馮譽驄督催建造十年今郡守
潘紹詒接續經理十二年工竣

城隍廟 在圭山南麓向無祠宇附神位於郡廟

處州府志

卷之八

祠祀

三

國朝乾隆二十一年知縣陳誼剏建嘉慶五年壞於水
八年知縣張吉安重修道光十九年邑人擴基重建
至二十五年知縣張銑督率竣工崇開華棖頗稱鉅
麗經兵燹梁棟傾圮光緒元年知縣彭潤章籌捐重
修不啻前此之宏整矣

麗陽廟 在城北十里初名白塔廟唐大中四年州守
徐郛改今名有宋郡守葉武子奏免浮財物力碑其
陰刻元至大中修廟記又有至順三年加封神號及

至正十四年危素碑俱詳栝蒼金石志

張蟠麗陽廟
記古麗陽廟

卽白塔廟山頂舊有浮圖故取名焉雖至窘湫禱之
罔不響應大中四年今齊州刺史徐公郛理處屬亢

賜徧祈山川罔有徵驗躬酌此廟雨乃隨車公以邑
有麗陽溪廟居其後遂改麗陽廟八年冬天水姜公
肅委知軍州事與麗水合滎陽鄭公全察相顧言曰
郡邑無事山廟可完春三月乃請郡虞侯樂安汪漢
藩審勢於舊廟之西而剏殿焉正位麗陽王乃北山
之神左則白塔王斯土地之主右則巨潭王乃北沼
之靈也夏五月十五日郡邑官僚鄉里耆舊列筵以
落之載通志萬歷續處州府志嘉靖間知府董得朋
置田一頃一畝以供祭事萬歷十七年知府郭宗盤
因變賣寺田遂併廢之至二十一年同知陳其志始
復其舊李詔麗陽廟祭田記麗陽之神載在祀典
粵自唐宋以入我朝歷入百餘年有欽給香燭無祭
田郡守東莊董公郡佐定齋梁公暨郡邑諸大夫後
先相繼置田百一畝屬邑父老治祭儀以供歲事邇
年閩中郭公守楮籍寺田租入為公帑而麗陽祭田
亦在收列祀事闕修屢矣會連歲旱熯疫癘道殣不
收郭公入計行郡佐安陸陳公攝篆民白其事陳公
憮然曰寺田初由官給寺廢則租可收祭田出自人
供神存則祭不可廢也遂檄縣復田於廟聽民歲時
告虔民大歡悅欲徵言以垂不朽余惟神捍災恤患

處州府志

卷之八

祠祀

四

禮宜報祀歷朝符敕碑記班班可考余何庸贅但述
復田始末以垂永久云 楮蒼彙紀宋紹定戊子六
月二日郡守高似孫持香麗陽祠至第二殿有龍見
扇上初如飛螢熠熠俄成青金色長出扇外頃又化
五色晶采異常羣目驚悚 高似孫麗陽廟紀異詩
曉拜麗陽峯輕烟鎖亂松一香通有象五色化成龍
但只飛靈雨須教慰老農平生知己處神獨最於儂
楮蒼彙紀麗水麗陽山相傳每歲六月既望夜林
壑間有燈若人往來迎送節判朱天民見而異之今
居民凡六月二十八夜盡燃燈祀神 朱天民神燈
詩昔聞長老說北山有神燈六月神初度邑人競高
登夜深猶聞寂歛復見峻嶒雪煜煥珠采點綴橫玉
繩漸漸出陰壑一度蒼藤乍明乃倏晦此沒復彼
興光中若有人前後相參承久久始散去各自為儕
朋我習聞此語所恨見未曾竭來默致禱祥光俄相
應體大赤杲日中瑩融清冰夫豈一寸腸信足通幽
冥再拜語燈火
照我心淵澄

龍神祠 在縣治西麗陽行祠後

國朝嘉慶十三年知府方維祺建咸豐八年遭匪蹂躪
僅遺基址同治十年夏旱今郡守潘紹詒齋沐步禱
得雨願新之越日大雨歲仍稔遂倡捐廉五百金率
董勗建焉

三皇廟 在圭山西麓 案元黃文獻集三皇廟記唐天寶間三皇始有廟天下都邑咸

得通祀云云麗邑之廟不知所自始今俗呼為藥王廟

詹南二司馬廟 在城西五十里松陽境內祀梁開通

濟渠二司馬今俗改為白龍廟以二司馬 附關景暉詹南二

司馬廟記麗水十縣皆並山為田常患水不足縣西五十里有堰曰通濟障松陽遂昌兩溪之水別為大川分為四十八派析流賦澮注民田二千頃又以餘水瀦為湖以備溪水之不及自是歲雖凶而常豐元

處州府志 卷之八 祠祀 五

祐壬申堰壞命尉姚希治之明年帥郡官往視成功有廟曰詹南二司馬不知其誰詢諸故老謂梁有司馬詹氏始謀為堰而請於朝又遣司馬南氏共治其事是歲溪水暴悍功久不就一日有老人指之曰過溪遇異物即營其地果見白蛇自山繞溪北營之始就明道中碑刻尚存云

武肅廟 在縣西三十里九龍村祀吳越王錢鏐

惠應廟 在城北二十里甘泉塢神姓金佚其名有宋

嘉定八年賜額敕牒碑 敕牒碑陰記金端公廟父老相傳唐末山賊劫掠為國勤

兵至麗水縣二十五都武婆嶺沒於王事累顯神蹟云云餘多剝蝕

靈應廟 在城北三十里浯溪神姓葉佚其名有元至

正六年碑 林似祖靈應廟記葉侯生唐僖宗朝旅力

二子磔殺之既卒賊兵過或見侯率眾擊賊賊辟去鄉井賴完宋濬祐二年進士潘檜始創廟宇皇元混

一命正一真人留國公得以符誥封鬼神皇慶壬子鄉人狀神功惠以聞封廣福威烈侯長子助靈將軍次昭顯將軍廟號靈應

彭城廟 在城南十里下劉神姓劉佚其名有元大德

元年碑 鄭桂高碑記咸淳十年處州狀彭城三神伯父二姪以次發靈民蒙惠利明年燹建德府

僚來數又明年皇元命神靈滋不可揜爰作新廟云云

秦淮海祠 在萬象山乾隆六年温處道秦瀛摹像并

宋元祐三年除太學博士敕勒石蓮城書院嘉慶元

年知府修仁移建於此咸豐十一年燬於粵匪同治

七年崇福寺僧正一募緣重建 秦瀛書淮海先生除

隆五十八年冬十二月瀛以戶部郎申出為温處兵備道處之姜山為宋酒稅局始祖淮海先生謫監郡

處州府志 卷之八 祠祀 六

酒稅時居此又青田縣有慈仁院者先生昔訪曇法師於是官滿作詩留別院僧繪像立祠嘉泰間郡守

胡澄取先生像刊石郡齋瀛訪先生祠已久廢郡齋亦無先生像未幾瀛遷杭嘉湖道去今年秋諗諸處

州守伊君湯安將於郡城之圭山蓮城書院設先生像以存祠祀會族祖雲錦來杭州眎瀛所藏先生小

像又元祐三年除太學博士校正秘書省書籍敕一通瀛敬謹重摹勒石屬伊君嵌置蓮城書院之壁案

先生除博士由蘇文忠公之薦其後俱以黨禍被謫先生始以國史院編修判杭旋貶處州且由處轉徙

嶺海歿於藤州之華光亭瀛監司淞東既過先生所嘗監稅處今官於杭杭之天竺龍井皆有先生遺蹟

徘徊瞻仰抑亦有厚幸矣無錫裔孫瀛謹識於武林官舍時乾隆六十年十一月既望後一日 秦瀛處

州萬象山淮海先生祠堂記處州故余遠祖淮海先生監酒稅處也先生在處時嘗訪曇法師於慈仁院

既去院僧繪像立祠具載處州府志今祠廢而像亦不可考乾隆癸丑冬瀛奉 天子命備兵温處將欲

重建祠而遠以遷調去乙卯冬始自杭州刻先生像移奉處州圭山之蓮城書院又閱一年杭郡丞修君

奉檄權處州事將行來謁別余語及之修君在處以書來諗曰書院地故湫隘不克稱有萬象山者故郡城最高處其上為崇福寺極爽塏今以寺中之東偏三楹重加黝堊設神龕奉先生像祀焉祀之日自郡大夫以下及處之士民咸往瞻拜如禮此處州鶴象山之所由有先生祠也瀛惟先生少負經世畧彊志盛氣好談兵為蘇文忠公所賞既而不效於世迺一意託之於文章迨坐黨籍出倅杭州言者論其增損實錄橫罹貶謫監酒稅於此而小人承望風指猶未已卒以謁告寫佛書削先生秩遷徙嶺海易曰君子得與小人剝廬君子小人之進退剝復係乎國家之治忽宋自黨禍興而神州陸沈後世士君子過先生祠所當太息痛恨於紹聖之已事也顧當時之禍先生者其骨已朽而先生及諸君子之名至今猶在天壤亦可見小人之禍君子無往不福君子小人之智適成爲小人之愚已矣而先生蹤蹟所至官於其地者無不爲之流連感慕况又爲其子孫如瀛者與瀛往來處州未至萬象山聞其地俯臨城郭近挹溪光望之若圖畫蓋枯蒼一郡之勝而又與姜山近卽宋時酒稅局先生之靈其憑依於是無疑也修君名仁

處州府志

卷之八

祠祀

七

漢軍鑲藍旗人由舉人出爲知縣遷杭州府總捕同知今署處州府知府祠之成緊君成之麗水縣知縣常熟邵培德處州府教授海甯張駿麗水縣典史無錫侯寶樹並襄其事例得具書時嘉慶元年丙辰十二月望前五日張吉安詩僉判杭州到梧州官因詩謫也風流我來七百餘年後山抹微雲正晚秋鶯花亭子幾春風一卧圓庵百慮空才子回頭都是佛而今彌勒一龕同董旂詩醉卧藤陰夢正長炎風吹淚又蠻鄉微雲競寫詞人句衰草空迴學士腸到眼魚豚皆別恨驚心鼓角易斜陽一龕今與彌陀共不負當年熟辦香吳世涵萬象山謁秦淮海先生祠詩塵絲黯淡習烏紗酒監風流亦可嗟野寺有僧猶竹柏荒亭無主更鶯花高才幾輩登卿相黨禍千秋誤國家太息蘇門諸俊彥誰令飄泊在天涯

五賢祠

在府學東初祀宋孫沔黃葆光吳玘後增王

之望王信爲五賢云

案沔葆光之望爲長官玘信爲鄉人結爲五賢未曉其義宋史

云之望紹興中爲處州教授舊志不載後力主和議割地啖敵人無足重然史稱其有文藝幹畧則爲教

授時曾有治績也王信
明一統志作王公信誤

忠節祠 在擇山儒學南宋建炎初建祀太原府孟縣

主簿祝公明忠翊郎姜綬義士章雲就知雍州詹友

四人並靖康建炎間死難者也紹定中郡守高似孫

修之案祠始在九盤嶺舊郡治旁後郡治徙祠遂廢

建碑浙江通志謂祠址失考未見碑耳碑多殘缺其

叙四賢有名良臣者良上闕一字未悉其異同之故

神人曰我太原孟縣義烈祝公也姜官師也章少傅

也詹光祿也一屋荒寂西亞角樓雲馬風車謝守振

謁以香四公名稱宛與夢合即上奏願賜旌額肖像

處州府志 卷之八 祠祀

皆以罵賊不屈於刀鋸報之者嗇有國者所當盡其

清風祠 在縣治南宋嘉熙間郡守馬光祖建祀數文

閣待制間邱昕青田洪師中有記

開國元勳祠 在富山明嘉靖中知府潘潤建祀誠意

伯劉基

國朝咸豐十一年粵匪踞城祠燬無存同治六年青田

裔孫廷梁等重建

潘潤請建祠檔案禮部為崇元勳以屬人心事祠祭清吏司案呈奉

本節送禮科抄出浙江處州府知府潘潤一本洪惟

我太祖高皇帝龍飛淮甸奄有大業當時佐命諸臣

奉行天討削平僭亂者有徐達湯和輩而運籌帷幄
者惟劉基一人太祖嘗敬禮之而不名每曰吾子房
也所以待之者至矣厥後徐達之子輝祖襲封公爵
世代相承劉基之孫廌襲封誠意伯自廌後不傳景

泰間欽取基七世孫劉祿授翰林院五經博士天順元年劉祿奏請立祠詔下有司營建於基原籍青田縣然五經博士之襲似未愜然有懷未吐嘉靖五年六月臣承命知處州府事值公幹至青田謁誠意伯祠見規模卑隘及詢儀物亦不加隆其孫劉瑜現襲處州衛指揮使臣思太祖之報賞也論功錫子權衡不爽奈何歷世未遠而事體頓殊徐達子孫輝映百年無異基襲蔭僅一指揮祭祀率多簡畧恐太祖在天之靈不欲止於是也查宏治十五年禮科給事中臣吳仕偉請建祠於府城前任知府臣梁宸謹奉欽依事理置地於星華鋪尚未建立臣不忍緘默冒死上陳伏乞皇上敕禮兵二部查照徐達湯和等於襲蔭稍加爵秩祠宇稍加壯麗祭祀稍加豐隆使其子孫世守則上副太祖錫報元功之誠下協天下臣民之論抑有以厲人心於將來矣等因奉聖旨該部知道欽此欽遵抄送出司案呈到部除襲蔭移咨別部施行外所據建祠祭祀一案呈到部照會本布政司著落當該官吏查勘如果府城置有官地即便轉行該府開拓建祠其祭儀邵寶詩一代元功百世豪遺容七年五月初三日祠祀

處州府志

卷之八

祠祀

瞻處麗陽高天留湯沐田無稅人擬明禋澗有毛莘野不妨初就桀草廬猶恨未誅曹萬峯指點青田路斷石枯松望眼勞顧大典詩乘時仗策奠華夷帷幄謀謨蔚帝師豹隱贖閑黃石畧鴻冥終赴赤松期百年勲烈輝寰宇一代文章煥郁離蘋藻獨修瞻艸蠶煌煌宸翰照穹碑朱彝尊詩草味經綸日英雄戰鬪年真人淮泗起王氣斗牛躔命世生良弼卑棲役大賢一官齊簿尉千里正戈鉞記室依袁紹飛書謝魯連神鷹思飽掣威鳳必高騫漢祖除秦法周王卜渭畋廟堂才不易東帛禮宜先遂有君臣契能合帷幄專南征頻克敵北伐旋摧堅王會收三統軍謀出萬全河山分帶礪冠蓋儼神仙未辟留侯穀長辭范蠡船麒麟當日畫竹帛後時編一自邱陵改重愁歲月遷隆中猶故宅絲上少封田舊俗遷祠廟清歌入管絃黃金遺像蝕鐵券幾人傳古瓦甌巽落荒庭檜柏圓蛛絲虛寢胃鳥蹟斷碑眠想陰符策沈吟寶劍篇前賢餘事業後死尚速邇去去辭粉梓栖栖到海嶼空林多雨雪哀角滿山川玉帳無遺術蒼生久倒懸憑留一黃石相待穀城邊不錄案謁劉文成祠詩甚多非為麗邑作者不錄

泗國公祠 在縣治西南祀明參軍耿再成有宋濂及

蘇伯衡碑 宋濂耿公祠堂碑侯諱再成字德甫從吳

樞密判官階鎮國上將軍龍鳳四年冬十一月王命胡參政大

華侯為前鋒金華平五年冬十一月王命胡參政大

海及侯分道攻枯蒼已而又平王遂命侯鎮其土勞

來安輯至者如歸侯馭下嚴軍校或斬人邱木捕而

誅之自是皆畏威雖畦蔬不敢采先是士卒所至必

徵私粟於民號曰紫糧莫敢何問侯白胡參政罷之

八年春二月軍中有舊降帥相挺為亂侯方與客飲

聞變即上馬收戰卒不滿二十人迎罵賊賊怒欲刺

侯侯運劍連斷數槩賊將躍而前正中侯頸遂墮馬

罵賊不絕口而死夏四月王師四集盡殲醜類改葬

侯於金陵之聚寶山命侯子天璧嗣職仍鎮其土無

何龍泉胡公深總制是邦七邑之民咸踞請立祠以

妥其靈胡公曰吾志也命知府事程君孔昭視其役

肖侯像其中經始於九年春二月落成於夏五月

樊獻科泗國公祠記泗國武耿公勲庸之盛死國之

忠具載宋太史碑中時方草昧祠雖建而祭典尚缺

處州府志 卷之八 祠祀 十

至今百八十年乃發於公六世孫曰鏞者陳詞乞祭

得俞所請命歲祭二仲又命公子天璧配食乃徵文

三賢祠 在縣治南明巡按御史王獻之建祀中丞章

溢南陽侯葉琛縉雲伯胡深

國朝同治十一年葉氏後裔重建 章拯三賢祠記楮山

公基御史中丞章公溢縉雲伯胡公深南陽侯葉公

琛皆人傑也然章公遠卒於位胡葉二公沒於難獨

劉公從容受封比蹟子房近復蒙恩建祠襲爵而三

公祠宇荒廢識者憾之新安湛泉王公獻之按臨慨

然曰此觀風者責也謀諸憲副胡公有恆盧公蕙都

闡韓公平守備盧公鏜皆欣然協贊而平原岱野張

公一厚遂擇地於城中得葉編修遺構棟宇宏敞貿

為祠前為門樓中為享堂肖三公序爵列坐復樹三

碑於堂各刊行實五旬畢工行麗水縣春秋致祭

案章拯記楮蒼彙紀誤題王獻之作據石刻正 吳

世涵謁三賢祠詩昔在貞元會乘時有數公風雲歸
慘澹天地拓屯蒙神降蒼山近經傳絳帳同蕭曹先
作吏寇鄧早從戎淮甸真人起金華幣聘崇留侯起
圯上諸葛出隆中命世醅儒術登壇大將風得君期
共濟翊運極和衷萬乘資韜畧孤軍任守攻鳳城迎
畫鹿虎穴躍銀驄問俗晨飛旆擒生夜挽弓齊民歌
召杜漢主倚岑馮豈意屏藩寄俄驚節鉞空良材摧
柱石猛士失罷熊馬革洪都裏驢銅錦寨烘豸冠纜
關北鶴駕又江東日月爭光志干戈盡瘁躬士元年
不永紀信死何忠未遂經綸願長留社稷功襲封家
督並錫爵國恩隆舊事悲陵谷新愁對檜楓謝墩餘
瓦礫樊第掩蒿蓬守塚嗟無裔耕莊剩有童雲臺咸
寂寞祠宇尚穹窿共以枌榆愛同歆俎豆豐劍沉秋
水碧碑臥夕陽紅枯樹蹲松鼠頽垣篆草蟲朝昏喧
野雀伏臘走村翁颯爽英靈氣淒涼
烈士雄荒山憑弔處感嘆意何窮

二忠祠 在紫陽祠後明分守參議勞堪建祀參議耿

定僉事王晟 勞堪二忠祠記余觀括史云正統十三

處州府志 卷之八 祠祀 十一

年大戰於周坦兵潰被執不屈死余生平嚮慕忠節
之士願為執鞭今得二大夫顧俾其泯沒而弗俎豆
也其謂之何爰命有司設像祀之夫忠良心也貫常
變齊死生惟知有君而不知有身之謂也謀身重則
謀國輕居常非則遇變苟何者亡其良心也此心可
剖而宗國必不可負顏舌可斷而叛虜必不可從百
世而下聞者莫不興起焉觸其良心也二大夫之死
真不有其身矣聞風者亦將忠君報國之心勃然生
乎余記之不獨為二大夫也 案明史張驥傳
定和州人晟鄆城人俱進士事聞贈官錄一子

郭公祠 在府治後

國朝順治十六年知府周茂源建祀知府郭忠 周茂源

記公長身鐵面嚴重有威家視楛子視民凡可以去
括之疾苦而為安全計者莫不焦思畢力以圖終於
形枯神斂以卒於位故其神依久弗去往往昭靈見
像以警動人耳目維治之北有隙地焉卜云其吉於
是伐木於山陶甃於冶鳩工飾役
為屋三楹爰作公主升之於座

崔公遺愛祠 在縣治西澄西鋪

國朝康熙間建祀總兵江夏崔元卿倉聖漢重修崔公祠記總戎元卿崔

公早年立功滇黔晉楚間及移節東南歷温州臺灣處州所至盜息民安著有勞績先是處大歉公為設粥賑饑死者施棺槨掩其遺骸災黎賴焉體恤行間代出費違糧給芻牧軍政得不替士卒借支銀若干悉焚券弗責償一時兵民慶更生遇疾卒於處處人立祠祀焉歲久漸圯過者惻然欲謀更新益廓而大之將鳩工適公子應階撫山左聞之發使資金抵處一切修營所需皆給公價不絲毫累民而觀察使蘇公總戎于公暨余往來董率不日落成守土者春秋時享率土人齋肅告虔公之靈將默鑑焉所以降福於處人者正未有艾也

方公遺愛祠 在縣治西華祠鋪

國朝乾隆三十三年四營公建祀總兵江都方文登道

處州府志 卷之八 祠祀 三

光二十五年總兵梁勝灝以總兵鄭國鴻遊擊托雲

保守備李躍淵千總洪武琮蔡步高胡大純外委金

釗諸主祀祀皆二十一年進剿暎夷陣亡甯波者也

同治十年四營建關帝廟以祠址毘連遂併入設粟

主祀於右廂植璋方公祠記雍正七年公由黃巖調鎮處州知兵丁青黃不接輒乏食惜切

具奏願捐俸買穀三千石春夏借給秋冬買還蒙恩旨准行迄今三十餘年各省仿照舉行公之愷澤遂及天下矣公因處郡上通雲龍七邑下達甌江捐設巡船巡輯私梟於鹽課有裨各商呈請青邑鹽關每引輸費二分以為巡兵盤費并修船之用至今查緝攸賴皆公之遺愛也公字臺臣揚州江都人

棗山廟 在棗山

靈佑廟 在縣治東南一里宋乾道二年賜額今俗呼

厚田廟

協濟廟 在縣治西南花樓井宋淳熙中市不戒於火
禱之即滅郡守李處全請賜廟額

好道廟 在城東十里宋大中祥符間封濟渡侯

通惠廟 在城西三十五里宋政和三年賜額紹興四

年封普應侯

案舊志云晉司空陸
阮然有記今無考

龍子廟 在縣西四十里碧湖中堡

國朝嘉慶十二年建

麗舊志謂俗改司馬廟為白龍廟
遂附會為龍子廟譏其拂情違禮

削而不書然流傳已久民俗俎豆所歸且殿宇宏敞
莊嚴士大夫過者咸憇於此故復存之以當古蹟云

胡公廟 在縣西四十里碧湖下堡祀宋永康胡則廟

處州府志

卷之八

祠祀

三

有古浮屠故亦名塔院

協應廟 在風門山顛宋淳祐十二年賜額慶元二年

郡守趙善堅禱雨屢應奏加二神顯惠公靈祐公

福順廟 始在縣東五里宋淳熙三年知縣吳津遷於

延和門內後遷巖泉門外今在縣治西驛前鋪

顯佑廟 在縣西白峯禱雨有應宋咸淳八年賜額

旗纛廟 在縣治西祀軍牙六纛之神明制霜降日處

州衛掌印官主之

火神廟 在縣治西星華鋪同治九年邑人醵金重建

案以上二廟皆康熙中平陽
鎮移駐處州後營官所建

馬王廟 舊在火神廟右咸豐十一年燬於寇同治十

年併入華祠鋪關帝廟祀於左廂始建與上同

晏公廟 在縣治南石橋鋪案據浙江通志則神為宋晏戍仔舊志以為晏安誤

忠靖王廟 在圍山宋王信山堂故址俗呼太保廟神

為唐平陽溫瓊能除疫厲

國朝乾隆中建同治六年里人醵金重修金碧輝煌逾

於疇昔香火之盛甲一郡焉舊志謂信使金獲神佑既歸建廟圍山宅後以

奉之

護國夫人廟 在通惠門內菱山祀唐孝婦馬氏咸豐

八年燬於匪同治十二年知府潘紹詒倡邑人鳩貲

處州府志 卷之八 祠祀 四

重建孝婦景甯縣人事詳李陽冰碑見景甯縣志

順懿夫人廟 在縣治西太平坊鶴鳴井南祀閩中女

子陳靖姑士國春秋靖姑陳守元女弟也嘗餉守元於山中遇餒姬飯之遂授以符篆驅使五

丁永福有白蛇為孽惠宗召靖姑驅之靖姑斬蛇為

三詔曰蛇魅行妖術隱淪後宮誑欺百姓靖姑親率

神兵以安元元功莫大焉其封為順懿夫人食古田三百戶以一子為舍人

東嶽行宮 在縣治西南有元項棣孫碑案宋真宗大

有事泰山嶽神顯異詔天下郡縣悉建東嶽行宮此郡縣東嶽廟所自始也項棣孫碑謂栝郡東嶽之祠始創於唐殆失考耳

昭忠祠 在縣西四十里碧湖村頭咸豐辛酉知府李

希郊殉難於此同治十三年知府潘紹詒詳奉

奏准建立專祠光緒二年工竣並記其事

記云咸豐己未公之奉守

栝蒼也適當粵匪擾後瘡痍未復越二年匪再犯邊境公先率勇堵禦餉不濟勇潰遂松相繼陷乞援不獲命公卒以親兵數十當賊鋒力竭陣亡事

旨賜

恤贈太僕祀昭忠祭葬如例並給世職

恩至

渥也余聞而心敬之後十年來守是邦訪悉公治行

旨

及死事狀益重其為人亟思建祠祀公而餉需未裕民力尙艱不果嗣闔郡士紳條其事蹟乞余陳請建祠益信公德澤在人嘉士紳之不忘舊澤也轉陳大

府奏請得

旨允

行因跡公殉難之所於碧湖得爽塏程工興役閱數月落成董其事者請為文記之余思公宦績忠魂始末具詳本傳可不贅叙惟聞公赴難時兵無一旅糧乏宿儲屬邑又無環墉捍禦可撥而固守者惟郡城

不難借一背戰耳即事萬無可為則正衣冠與城共亡公詎未之熟計乃當道不察公志迫令前驅迎勦公僅率親兵數十人冒刃而進致被戕於亂賊蜂擁

中不甚可慘也哉然至今生氣凜然精爽所憑當與栝山川同其靈祚孰非公之福耶爰撫其實而錄之

處州府志

卷之八

祠祀

五

青田縣

先師廟

詳學校

先農壇

東門外

通志

社稷壇

縣西三里北向

風雲雷雨山川壇

溪南三里北向

厲壇

縣西郊三里南向

文昌宮

舊在東門外學宮之左明天啟間教諭鄭奎

光建

國朝順治六年燬康熙四十五年知縣鄭新命徙建城

內學署同治元年燬於兵六年知縣羅子森重建

青新

志

名宦祠

鄉賢祠

忠孝祠

節孝祠

俱詳學校

關帝廟

縣南二百步清溪門內明萬曆四十年知縣

袁鳴泰建

國朝同治元年燬於兵八年知縣徐熾烈重建

青新志

城隍廟

縣西二里建於明洪武三年邑人王潤孫有

記

處州府志

卷之八

祠祀

六

國朝雍正六年知縣萬里重修同治初燬於兵邑紳項

懋馨孫騰驤張籌詹誠等捐建

青新志

劉誠意伯廟

縣北混元峯下祀明誠意伯劉基歲以

春秋二仲上丁日致祭嘉靖間詔立靖難死節谷府

長史劉璟廟春秋祀之提學萬潮令縣立像配享誠

意伯廟

吳世涵謁劉文成公祠詩石室名香手自焚大賢祠下薦芳芹文章一代韓歐筆帷幄干

秋望散勳自昔熊飛曾洞壑於今龍去尚風雲此中猶有奇書否寂寞山橋滿夕曛

平成廟

溪南祀大禹每歲二月二日居民祀之有邑

人陳詔碑

清溪廟

溪北其神曰朱三府君唐時人好義樂施捨

宅爲崇道觀後人立祠於觀西祀之

東嶽宮 縣西北元至正間建

孝女廟 縣西四十里地名小洋

鳴山廟 縣東二里許神姓蕭卽信州鳴山神嘉靖倭

寇攻城顯翊衛功

古石廟 縣西五十里神姓朱有孝義有所必應

義陽廟 縣西一百里神靈能興風雨去疫鄉人祀之

博濟廟 小連雲山宋郡守李翔遣人祈雨立應

土地祠 縣治左舊志

縉雲縣

處州府志 卷之八 祠祀

七

先師廟 詳學校

文昌宮 在文廟左康熙二十九年知縣戴名振建後

圮嘉慶十三年邑人捐貲重建

名宦祠

鄉賢祠 俱詳學校

關聖廟 一在仙巖寺右一在縣下市街乾隆二十九

年知縣合狐亦岱移建城西隅

城隍廟 縣治西二百步客星山舊在西谷唐乾元二

年知縣李陽冰祈雨有應遷今址 李陽冰碑見金石

陽冰爲江神渡江者祭投碑
記可免風濤故名爲定風碑

麗陽廟 南門外夏瑚山東卽郡城麗陽之神以雨暘水火祈禱而建歲以六月二十八日致祭

虞帝廟 縣西北三十里

禹王廟 縣東一百三十里

大亭廟 縣南三十里廟前溪水險惡過此必祭

石筍廟 縣西北十七里有石數十丈如筍故名

顯應廟 縣西北十五里神能興雲鄉人立祠水旱疾

疫必禱宋嘉泰二年知縣朱堂奏賜廟額

康樂侯廟 縣南五里

趙侯廟 縣東十五里侯名炳字公阿東陽人仕漢官

處州府志

卷之八

祠祀

六

至大將軍烏傷侯祀神以東流水爲酌削桑皮爲脯療病皆除水旱祈之必應廟前有石如航俗呼爲趙

侯航

靈澤廟 縣東二十里宋咸淳七年知縣陳紹若祈雨有應立額

卓侯廟 縣東五里侯諱茂漢封褒德侯

三真人廟 縣南十五里宋嘉定間士人陳文煥將赴試默禱於廟夜夢有神語之曰監試乃堯煥乎其有文章旣入試果如夢境有殺人者夜載其屍以遁舟過廟側見有白衣人長數丈不敢前遂被獲

通靈廟 縣東七十里元皇慶二年賜廟額

烏石侯廟 縣東四十里神兄弟七人顯靈初廟食仙

居李村封廣福昭惠侯

潛尚書廟 縣東七十里祀梁尚書潛佶其子司徒進

太保穎配

聖母廟 縣西南二十五里邑人周氏女沒顯靈能興

雲雨鄉人立祠祀之

惠濟侯廟 縣東南五十里宋咸淳七年尚書潛說友

祈雨有應奏封侯

博濟侯廟 縣西南二十里

處州府志 卷之八 祠祀

九

驛潭神祠 縣西南二十里

丹陽廟 在澄清坊

槐花廟 在龍津坊

先農壇 縣東距城五里

社稷壇 縣北三里

風雲雷雨山川壇 縣治水南

厲壇 縣北岱嶺

朱子祠 文廟後祀宋朱文公廢久址存康熙二十二

年知縣霍維騰重建後圯道光八年邑人呂錫熊重

建縣志

塔廟 縣南夏瑚山之陽中奉陀羅尼次祀文昌帝君
萬曆丁未合邑興建守道車大任周繼昌麗令歷陞
浙江學道樊良樞均以塔事遺愛並祀於此知縣王
懋錡撥田爲祀亦得與

雲臺巖赫靈行祠 神姓胡諱則仕南唐守江州堅壁
不下曹翰攻之危急忽有旋風吹片紙墜城中有詩
曰由來秉節世無雙獨守孤城死不降何以知機早
回首免教流血滿長江後城陷不屈江表志舊郡守
稱係宋慶曆間人官至兵部侍郎顯靈於婺之方巖
今香火流傳於括麗縉皆有行祠

處州府志

卷之八

祠祀

三

靈順行祠 縣東四十里神初廟食婺州元皇慶初建
祠於此

葛稚川真君廟 六都中峯山

靈應行祠 縣南百步神邑人東郭鮑蓋也梁大通末
顯靈討賊廟食四明宋建炎二年知縣蘇德秀建祠
歲久圯成化壬寅邑人重修

雲南赫應祠 縣東六十里

天后宮 縣西南前臨好溪乾隆三十三年閩人建嘉
慶元年修葺道光二十年重修

縣志

潛猛將軍廟 縣東七十里神捕賊數有顯效宋咸淳

二年封顯佑侯

龔黃二公祠 北門外三里嶺上祀縣令龔廷賓黃李茂

土地祠 縣儀門外

忠孝祠

節義祠 俱縣治北

真武廟 一在繼義橋南道光六年邑人呂建盛建一在競爽橋北道光八年呂建始建縣志

龍公祠 在龔黃二公祠側祀知縣龍奮河

四公祠 在仙巖寺東園祀縣令周世遠黃虞臣李時

處州府志 卷之八 祠祀

三

孚王懋錡

潘雷二公祠 南門外祀縣令潘汝楨雷升聞

松陽縣

先師廟 詳學校

文昌閣 儒學門外東首

名宦祠

鄉賢祠 俱詳學校

關帝廟 縣南咸豐八年燬同治六年知縣徐葆清勸

捐改建於舊廟東縣志

城隍廟 縣西嘉慶初年知縣傅秀漳勸捐重建道光

間重修咸豐同治間勸捐續修縣志

白龍瑞現夫人廟 百仞山下舊名太婆廟石晉天福

四年縣令陳時祈雨於斯有白龍晝見雨隨至今上

其事因改廟額

戴火仙廟 縣西南十七里遇旱祈雨以見火為讖故

里人祀之

竹峪廟 縣竹峪嶺泉出山頂下瀦為巨潭溉田百餘

頃宋大觀四年縣丞李察祈雨有應因祀之

葉公廟 縣治左祀明靖難忠臣葉希賢

通濟廟 去縣六十里祀詹南二司馬

處州府志

卷之八

祠祀

三

先農壇 縣東

社稷壇 縣西北三里許

風雲雷雨山川壇 縣東南二里

厲壇 縣北朝天門外三里

天后宮 縣西熙甯莊乾隆十四年閩商請於邑令陳

朝棟建縣志

麗陽行宮 縣北五里

東嶽行宮 縣北一里前為太保廟康熙十三年燬五

十四年重建道光初年被燬庠生周紹濂重建東嶽

宮饒忍齋等捐建太保廟同治間湯翼舉等重建太

保廟周春生等捐修東嶽宮縣志

魏公祠 縣北二里祀縣令魏良弼祀田十二畝祠久

廢田存儒學收租辦祭

土地祠 縣儀門左

忠孝祠

節義祠 俱在天后宫左右

詹公祠 舊學基祀忠臣詹嘉言

昭忠祠 縣東葉公祠右咸豐九年北鄉山下洋張姓

捐建祀知縣張士超李作幹教諭徐清翰邑紳葉維

藩等及殉難士民婦女縣志

處州府志 卷之八 祠祀

遂昌縣

先師廟 詳學校

文昌閣 舊在儒學門左道光二年合庠捐建於半月

池左咸豐十一年被匪毀壞同治四年知縣方泮教

諭高鴻重裝神像九年知縣韋登瀛重修增建四映

樓於池畔

名宦祠

鄉賢祠

忠孝祠

節孝祠 俱詳學校

關帝廟 縣前溪南乾隆二十一年知縣熊鐫改建西隅咸豐十一年燬於匪同治四年知縣方注九年知縣韋登瀛先後修建前後殿十一年知縣姜卓教諭周榮椿籌資重建儀門回廊規制漸備

城隍廟 縣東一百五十步明洪武間建嘉靖二十八年知縣洪先志建兩廊隆慶元年知縣池浴德修萬曆十九年知縣萬邦獻重建通志

國朝康熙四十二年知縣蘇夔重建乾隆間被水重修道光初年合邑捐資修葺縣志咸豐十一年匪燬同治四年闔邑士民捐資建復

處州府志

卷之八

祠祀

十五

馬夫人廟 舊址在十八都柘上今移建邑南五龍山咸豐八年匪燬同治四年修復又名瑞蓮堂

東嶽廟 邑南久廢重建西門外二里道光間漸圯咸豐三年捐資建復

天后宮 在溪南壽光宮右今廢乾隆間特建於縣東春秋祭祀咸豐十一年匪燬同治紀元武舉人官育僑等捐資重建 案天后宮文昌宮關帝廟各鄉間有因非有司祭祀之所故不備載

慈仁廟 縣東一百步知縣顧甯重建

安樂王廟 縣西二百步後改爲社學

太保廟 邑南瑞山麓卽紫極壽光宮同治間重修
溥濟廟 卽三井龍湫之祠自宋以後祈雨輒應紹興
己未賜額至今靈異如昔

白馬廟 昔在邑西二十里丁公山下項村因圯移建
山頂一方祈雨之所

吳僕射廟 大柘溪東神名珂唐末爲保義鎮邊使黃
巢倡亂四方雲擾羣盜蝟興盧約陷處州董昌攻越
珂集義勇積餼糧守禦一方以功拜檢校工部尙書
旣沒爲神凡有祈禱無不應

蔡相公廟 邑西九十里世傳五代時蔡氏兄弟二人
避地蔡山之原沒而爲神至今廟食

陳府君廟 縣北五十里神名備唐時爲處州刺史文
德初與盜虜約爭州不克沒而靈異

華使君廟 縣東十里神名造唐景福間爲處州刺史
死於賊鄉人立廟祀之

何相公廟 邑西二十里好川祈雨輒應

先農壇 縣東鶴山麓

社稷壇 北門外一里

風雲雷雨山川壇 縣南隔溪瑞山麓

厲壇 縣北一里

麗陽行祠 縣北一里

尹祠 祀宋處士尹起莘舊址在學東明萬厯初年提

學道蘇濬建後圯道光二年尹氏後裔改建半月池

右邑人王夢篆詩有宋徵文獻先生手澤存學資魯

香一辨特為擷芳蓀吳世涵讀尹堯庵先生綱目發

明即題其後詩皓首窮居事纂修茅堂獨抱古今愁

春秋義法參三傳聞洛心源截眾流霧谷成文深隱

豹緱山讀史老騎牛紫陽身後功臣在應使徐汪屈

滅虎祠 在報願寺法堂東知縣湯顯祖建記見藝文

土地祠 縣儀門東

湯公遺愛祠 報願寺左祀明知縣湯顯祖附祀知縣

處州府志 卷之八 祠祀 美

段宏璧繆之弼有公置田三十九畝零收租以資春

秋祭祀 邑人王夢篆詩臨川才子孰追攀飛鳥無心

田園歸去陶彭澤俎豆長留元次山為愛清風思亮

節遙情高寄暮雲間吳世涵遺愛祠謁玉茗湯公詩

臨川一老仰清標花下芳祠拜寂寥賈傅立朝惟痛

哭莊生作吏亦逍遙孤臣志業拋荒棘仙令文章泣

鬼魅留得山城遺愛在迎春歲歲入歌謠

忠烈祠 報願寺左咸豐八年知縣程洪建祀教諭景

采臣十一年毀同治四年知縣方泚勸捐脩復附祀
殉難士民十一年知縣韋登瀛重修十三年知縣張
維垣於祠右增建節烈祠三楹祀教諭景采臣妻女
并闔邑殉難婦女

龍泉縣

先師廟

名宦祠

鄉賢祠

忠孝祠

節孝祠 並詳學校

先農壇 九都九姑下

社稷壇 縣西烏石山南

風雲雷雨山川壇 雙溪南

厲壇 距縣里許

處州府志

卷之八

祠祀

七

文昌宮 舊志未載地名乾隆縣志亦未載 案龍新

志採訪冊文昌閣凡三一在縣治東一在治北月泓

廟前一在治南

關帝廟 縣東崇因寺左乾隆四十一年知縣黃德中

修同治十二年知縣顧國詔會營捐修

城隍廟 縣西五十步

火神廟 舊在集福寺乾隆四十一年知縣黃德中改

建武廟西偏同治十一年重修

麗陽行宮 縣南一里

稷帝廟 縣東乾隆五十六年建同治五年里人李存

禮張海養董理重修

倉帝廟 縣南花石灘上邑紳蔡士魁等捐資建造

馬夫人廟 留槎閣西仙洲之上

東嶽行宮 縣西四里

天后宮 乾隆十二年士民林浩柯等請資公建舊在

留槎洲上後改建通濟橋下道光六年重修

忠賢祠 崇因寺右祀章溢胡深二人

土地祠 縣儀門東

廣惠行祠 集福寺東淳熙甲辰知縣王備迎像祈雨

多應

處州府志

卷之八

祠祀

三

康濟將軍廟 縣東一里唐天佑二年吳越王錢氏封

匡濟將軍避宋祖諱改康濟管師仁遇五神人事載

縣志

北宮豐盈感應侯廟 縣北三里唐顯慶間建居民祈

雨有應至今祀之

靈順廟 稽聖橋南宋慶元間邑人建

鎮東五木火神廟 縣東崇因寺後

威烈感應侯廟 縣南二十里

濟順侯廟 縣東二十二都侯姓陳諱紳東嘉人五代

時昆弟五人擢高第後避世龍泉顯靈祀之

昭應廟 延慶鄉查田市神姓蔣名超兄弟三人宋宣

和間方臘犯州境神大顯靈異境賴以安

旌賢祠 縣西五十里祀王毅 王禱旌賢祠記先生諱毅字剛叔別以木訥自

號夙負異秉篤志於學早從上饒鄭君原善游而聞聖賢求仁之方及登金華文懿公之門得理一分殊之旨所學粹然一出於正教授里中戶外之屨至無所容至正甲午盜起旁縣先生領鄉兵往禦之里井恃以為安夫何遺孽未殄者陰設狡謀而先生遇害先生歿門人胡君深既勒兵討賊申復讎之大義而章君溢等復即先生所居蓋竹里為祠以祀之則禮以義起者也祠之建在戊戌歲居室規制完飾具美且合財置田用其入為歲時享祭之需焉案舊志縣志俱未載茲照通志補列

真西山祠 舊在明倫堂東康熙辛巳邑令金輝移置堂西未幾比今神位置崇聖祠西楹春秋附祀

縣志案真西山浦城人縣志舊志俱作龍泉人惟通志不載詳人物理學

處州府志 卷之八 祠祀 三

忠義節烈祠 治南倉帝廟左右二祠係同治初年建祀殉難士女

慶元縣

先師廟

名宦祠

鄉賢祠

忠孝祠

節孝祠 並詳學校

先農壇 縣東豐山門外

社稷壇 雲龍門外半里許

風雲雷雨山川壇 濟川門外一里

厲壇 仁豐門外

文昌祠 城隍廟右康熙三年知縣程維伊建 縣志
載學校育英莊後舊志未載地址

關帝廟 豐山門內舊在縣治後順治五年毀六年駐
防遊擊董永義重建雍正九年知縣王義麟遷建今
址乾隆四十七年知縣王恆重修增建兩廡六十年
知縣魏夔龍嘉慶十六年知縣鳴山先後修葺

城隍廟 仁豐門外舊志案縣志作豐山門外康熙二年
知縣高嶙重建乾隆四十一年知縣董翬縉重修道

光三年邑人吳起元捐修

處州府志 卷之八 祠祀

三

土地祠 縣儀門左

東嶽行祠 四都黃堂岡下

馬夫人廟 一都往時鄉多虎狼居民患
之遂立祠於湖山祀之患息

護應行祠 縣治左

順濟陳夫人行祠 西門外

靈順行祠 城北迎恩坊前

雲和縣

先師廟

名宦祠

鄉賢祠

忠義祠

節孝祠 俱詳學校

先農壇 青陽門外一里

社稷壇 縣西一里

風雲雷雨山川壇 縣南二里

厲壇 山巖寺明萬曆五年知縣蕭淵改建今仍故址

文昌宮 黃溪保康橋北雍正元年建乾隆二十八年

知縣王欒倡修嘉慶八年知縣蔡應霖新之道光十

六年邑人擴基重建

關帝廟 黃溪桂林橋北舊為王氏許仙宮康熙間改

處州府志

卷之八

祠祀

三

今廟嘉慶十一年知縣陳治策倡修咸豐元年重修

城隍廟 黃溪祈豐橋北始建無考康熙二十八年知

縣林汪遠修道光二十三年邑人捐資重建

呂祖廟 黃溪祈豐橋下

東嶽宮 黃溪呂祖廟東道光四年建

天后宮 阜安門外乾隆二十六年建

禹王廟 九都

陳尙書廟 七都

晏公廟 九都

濟甯侯廟 一都

陳侯廟 五都

惠侯廟 九都

馬夫人廟 坊郭

李夫人廟 一都

靈惠侯廟 七都

威烈徐侯廟 四都

王尙書廟 六都

顧令祠 縣東南明宏治庚戌邑民以故知縣顧立開

基立縣有功請建祠春秋祭祀大學士李東陽有記

去思祠 縣東賓陽門內為知縣陳思願立青田陳中

處州府志

卷之八

祠祀

三

州有記

遺愛祠 蔭福橋縣署西偏光緒元年知縣洪承棟率

邑紳王士鈞等創建

宣平縣

先師廟

名宦祠

鄉賢祠 並詳學校

先農壇 縣東

社稷壇 縣東通濟橋側

風雲雷雨山川壇 縣南山下

厲壇 舊在縣東北一里今移設北門外一里

文昌閣 在學宮泮池東

關帝廟 縣治太平坊

城隍廟 縣治西南

土地祠 縣署大門左

麗陽行宮

東嶽行宮 俱縣南二里

大魁閣 泮池東久圯

興文土地祠 學宮左

彰德昭靈侯廟 縣北六里

處州府志

卷之八

祠祀

三

宣慈鄉主廟 縣北一里民於旱澇疾病無不禱之

唐葛周廟 縣西楹樣山三神乃周厲王時三諫官王

失政累諫不聽棄官奔吳及厲王崩宣王立三官復

歸王以輔導太子有功遷秩山東兗州而國大治三

官沒王始以孚靈威靈浹靈侯爵等號封之至宋真

宗祥符元年封泰山至天門忽見三神人又加封焉

昔宣和二鄉苦旱祈雨有見神者曰吾願卽楹樣山

爲家濟爾雨澤後建祠祀之所禱卽應今山東青登

二府並有祠登州志載唐諱宏葛諱雍周諱武皆靈

驗 案舊志備載前說縣志未載但稱楹樣山三元

眞君廟爲宣邑祖廟最爲靈顯禱雨多應廟始於唐通志載相傳周厲王時諫臣奔此後歿爲神血食於此云大抵廟神靈蹟昭著崇奉已久里老村氓相率附會轉覺誕誕不經爾

梁大傅廟 縣東五十里

靈顯章侯廟 縣東南六十里侯諱承趣唐中和間黃巢亂鄉民推爲部領捍禦有功歿而爲神宋潛佑六年封仁烈侯妻呂氏封助順夫人四婿丁鄂王修蔡禋鮑庶配食

洪公祠 縣前東祀邑令洪雲翼

處州府志

卷之八

祠祀

三

禋德祠 東巖頂祀宋蔡夢奎梁宗善蔡子昇梁孚先孚將孚錫孚惠蔡叔輝叔寶有韓元吉碑記

朱先生祠 東巖頂祀宋處士朱子仁有蔡伯尹碑記
報德祠 縣東祀明縣丞有遂昌黃中記

忠孝祠

節義祠 以上二祠舊志未載建設地址縣志載忠孝祠在縣東節義祠在縣西

景甯縣

先師廟

名宦祠

鄉賢祠

節烈祠

忠孝節義祠 俱詳學校

先農壇 縣東

社稷壇 縣北一里

風雲雷雨山川壇 縣南一里

厲壇 縣北六十步

文昌宮 學宮泮池右道光二十七年知縣程文範遷

建於雅峯書院後

縣志

關帝廟 舊在莘嶺順治間千總郭自成改建縣北旗

處州府志

卷之八

祠祀

三

燾廟左康熙間知縣高棠葺重建雍正十年知縣李

應機建月臺路廊乾隆間知縣張九華修葺嘉慶十

一年知縣游朝佐拓地重建

縣志

城隍廟 城北四十步明景泰三年建屢經修葺乾隆

四十七年知縣李大鼎重建規制始備同治元年匪

毀三年知縣徐熾烈率董修復

縣志

縣土地祠 縣儀門左

學土地祠 學儀門左

馬夫人廟 柔遠鄉鷓鴣村有唐縉雲令李陽冰所撰

碑記

潘公祠 縣治西祀長興縣主簿潘應芾暨子潘仲龍
潘季龍潘荀龍

東嶽廟 縣北忠孝祠右同治十一年知縣周杰建縣志

崇義祠 縣北司前橋頭晏公廟左同治五年知縣陳

德漸奉文建八年四月知縣周杰經理告竣祀

旌卹殉難士民婦女縣志

處州府志

卷之八

祠祀

三

處州府志卷之八終